




**Declaration du roy, par laquelle il deffend de ne faire presche,
assemble?es, ny administrations de sacrementz de la
nouvelle Religion, prete[n]du?e reforme?e, en sa Court ne
suite, ny es maisons de sa maieste?.**

<https://hdl.handle.net/1874/425986>

5

Declaration du ROY, PAR LAQUELLE il deffend de ne faire presche, assem- blées, ny administrations de sacre- mentz de la nouvelle Religion, pre- tédüe reformée, en sa Court ne suit- te, ny es maisons de sa maiesté.



A PARIS,
Pour Iean Dallier Libraire, demourât sur le pont
Saint Michel, à l'enseigne de la Rose blanche,

1563.

AVEC PRIVILEGE.



De par le Roy.



E Roy
estant
bié re-
cordz
& me-
mora-
tiz de
ce que
en trai-
tant
dernie

remēt des poinctz & articles accor-
dez par l'Edict de la pacification des
troubles, il fut aduisé & deliberé que
a sa Court & suite, & semblablemēt

aux maisons de sa maiesté: Ne se-
roient faictz aucuns presches, assem-
blées, ny administrations de Sacre-
mens de la religion pretendüe refor-
mée, non plus qu'en la ville preuosté
& viconté de Paris. Dont & de la-
quelle exemption & reseruation de
ladicte Court, & suite de sa maiesté,
Ensemble de ses maisōs, pour le faict
desdictes presches, assemblées & ad-
ministrations de Sacremens, de ladi-
cte Religion: il ne fut lors faicte au-
cune mention par ledict Edict de
paix: Pour certains bons respectz &
considerations. A quoy desirant sa
maiesté pouruoir à present, elle a par
l'aduis de la Royne sa mere, des Prin-
ces de son sang, & Seigneurs de son
Conseil, déclaré & ordonné, decla-
re & ordonne, veult & entend, qu'en
sa Court & suite, & semblablement

en ses maisons, aucuns presches, as-
semblées, ny administrations de Sa-
cremés de ladicte religion pretédüe
reformée ne feront dorefnauant ne
cy apres faictz, en quelque sorte que
ce soit, nō plus qu'esdictes Ville, Pre-
uosté & Viconté de Paris, qui par le-
dict Edict de paix en sont par expres
exceptez & reseruez. Ce que sadicte
maiesté inhibe & defend tresex-
pressement à tous ses subiectz, de
quelque qualité ou condition qu'ilz
soiēt, sur peine aux contreuenans de
encourir es peines portées & decla-
rées par ledict Edict de la paix. En-
ioignant sadicte maiesté au Preuost
de son hostel de faire publier ceste
presente declaration & ordonnance
à son de trompe & cry publicq, tant
en ceste presente Court & suite, que
par tout ou besoing sera, & icelle fai-

re obseruer & entretenir inuiolable-
ment, la faisant reiterer & renouuel-
ler de huit en huit iours.

Faict au Bois de Vincennes le dix-
neufiesme iour de Iuing, mil cinq
cens soixante trois.

CHARLES.

Et au deffoubz ROBERTET.

